

է: Գաղթականութիւնը տեղաւորել է լքւած և հողառատ գիւղերում: Երեւանի, Ալեքսանդրապոլի, Դիլիջանի և Դարալագեացի շրջաններում սոսիալական շինարարութիւնը կարգաւորուած է իրարմէջ: Այժմ գլխաւոր ուշադրութիւն դարձում է տարագիր Հայութեան հաւաքման վրա: Միջոցներ են ձեռք առնուած Հիւսիսային Կովկասում գտնուող գաղթականներին, որոնց թիւը հասնում է 70,000-ի, հայրենիք փոխադրելու: Վրաստանը մի ժամանակ այդ խնդրում, ճիշտ է, արգելք էր հանդիսանում, բայց այժմ օժանդակում է մեզ: Աշխատանք է հայթայթուած կարիքաւորներին, որոնք այժմ աշխատում են պետական արհեստանոցներում. այդպիսիների թիւը հասնում է ութ հազարի: Խնամատարութեան գործը դրւում է նոր հիմունքների վրա:

Հանրային կրթութեան նախարարութիւն. — Բոլոր տարրական դպրոցների վարչութիւնը յանձնել է քաղաքային և տեղավարական (գեմսու) ինքնավարութիւններին, բացի Նոր-Բայազետի, Կարսի և Սուրմալուի շրջաններից: Ազգայնացումը, շատ չնչին բացառութեամբ, կատարել է գրեթէ ամէն տեղ: Զեռնարկել է դասագրքերի հրատարակութեան, որի համար բացել է խոշոր վարկ: Համալսարանի համար յատկացել է սեմինարի շէնքը: Հրաւիրել են և հրաւիրուած են պրոֆեսորներ և դասախօսներ: Բացել են պետական պաշտօնէութեան համար հայերէն դասընթացներ: Համաձայնութիւն է կնքուած ամերիկացիների հետ որբերի կրթութեան գործը որոշակի ընդգծւած հիմունքների վրա դնելու նպատակով: Բացուած են երաժշտական դպրոցներ Երեւանում և Ալեքսանդրապոլում:

Արտաքին գործերի նախարարութիւն. — Մենք ստորագրել ենք Տաճկաստանին ներկայացուած հաշտութեան պայմանագիրը միւս պետութիւնների հետ միասին: Մեր ունեցած տեղեկութիւնների համաձայն, Տաճկաստանը պիտի ստորագրէր յուլիս 29-ին: Դաշնագրով առաջարկուած է, որպէս իրաւարար Ամերիկայի նախագահ Վ. Վիլսոնը, որն արդէն ընդունել է այդ կոչումը: Նա իր գործին կանցնի, երբ Տաճկաստանը ստորագրի հաշտութեան պայմանները:

Մեր քաղաքական և տնտեսական պատերազմութիւնները մեզ վստահեցնում են, որ ելքը մեզ համար նպաստաւոր կը լինի: Հայաստանի այժմեան հողամասին կը կցեն չորս վիլայէթներ՝ Վանի, Բիթլիսի, Տրապիզոնի և էրզրումի: Եթէ Տրապիզոն քաղաքը, որպէս նաւահանգիստ, մեզ շտրի, անշուշտ մեզ կը տրւի ուրիշ ելք դէպի Սև ծովը:

Բաթումի խնդիրը մեզ համար մեծ նշանակութիւն ունի: Բաթումը իր շրջանով վերջերս յանձնեց Վրաստանին՝ պայմանով, որ ապահովի ազատ թրանզիտ Հայաստանի համար: Մեզ համար կենսական նշանակութիւն ունի սեփական տերիտորիայով ելք ունենալ դէպի Բաթում:

Այժմ կայ երկու Տաճկաստան՝ մէկը Պոլսում, միւսը՝ յանձնինս Մուստաֆա Բէմալի՝ Անգորայում, որին ակնկցում է «Ազգային Մեծ Ժողովը», և որի նախարարները, կոմունիստական Ռուսաստանի օրինակին հետեւելով, կոչուած են կոմիսարներ: Երբ մենք համաձայն տեղական ազգաբնակչութեան ցանկութիւններին, գրաւեցինք Օլթին և այդ շրջանում սմրանայով՝ ջախջախեց հարաւորներ հասցրինք տաճիկ գործերին, այն ժամանակ Բէքիր Սամին, Բէմալի թիւրքիայի արտաքին գործոց «կոմիսարը», սկսեց բանակցել Հայաստանի կառավարութեան հետ՝ մեր գործերը այդ շրջանից յետ քաշելու շուրջ: Նա, Բէքիր Սամին խօսում է Բրեստ-Լիտովսկի դաշինքի և Բաթումում ու Տրապիզոնում կնքուած հաշտութեան պայմանագրերի խախտման